



Проект

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ ҚАРОРИ
Қўшилган қиймат солиғи тўловчиларини солиқ органларида қўшилган қиймат солиғи
бўйича махсус рўйхатдан ўтказиш тартиби такомиллаштирилиши муносабати билан
Ўзбекистон Республикаси Ҳукуматининг айрим қарорларига ўзгартириш ва қўшимчалар
киритиш тўғрисида
VQL-5148/22-3

Мамлакат иқтисодиётини узоқ муддатли ривожлантириш борасида кенг қўламли ислохотлар амалга оширилаётган шароитда самарали солиққа тортиш тизими ва давлат солиқ хизмати органларининг бошқа органлар ва ташкилотлар билан ўзаро уйғунлашган фаолияти алоҳида аҳамият касб этади.

Шу билан бирга, ўз ечимини топмаган сезиларли муаммоларнинг мавжудлиги солиқ қонунчилиги талабларини янада кучайтиришни тақазо этмоқда.

Ўзбекистон Республикаси Президентининг 2021 йил 30 декабрдаги ПҚ-73-сон “Ўзбекистон Республикасининг “2022 йил учун Ўзбекистон Республикасининг Давлат бюджети тўғрисида”ги Қонуни ижросини таъминлаш чора-тадбирлари тўғрисида”ги қарорининг 21-банди ва Ўзбекистон Республикаси Вазирлар Маҳкамасининг 2021 йил 22 сентябрдаги 595-сон қарори билан тасдиқланган Қўшилган қиймат солиғи тўловчиларини солиқ органларида қўшилган қиймат солиғи бўйича махсус рўйхатдан ўтказиш тартиби тўғрисидаги низомнинг 48-бандига мувофиқ, шунингдек, интизомли солиқ тўловчилар фаолиятини қўллаб-қувватлаш, барча хўжалик юритувчи субъектлар учун тенг рақобат шароитларини яратиш, солиқ хавфи юқори даражада бўлган контрагентлар билан операцияларни (битимларни) амалга оширишни чеклаш бўйича таъсир чораларини кўриш мақсадида Вазирлар Маҳкамаси қарор қилади:

1. Ўзбекистон Республикаси Ҳукуматининг иловага мувофиқ айрим қарорларига қуйидагиларни назарда тутувчи ўзгартириш ва қўшимчалар киритилсин:

қонунчиликда белгиланган айрим лицензия турларининг талаблари бузилганда ҚҚС гувоҳномасини тўхтатиш учун асос бўлиши;

нефть, газни (шу жумладан, сиқилган табиий ва суюлтирилган углеводород газини) ва газ конденсатини қазиб олиш, қайта ишлаш ҳамда реализация қилиш фаолияти учун берилган лицензия талабларига 1 та ходим бирданига 2 та лавозимда ишлаши мумкин эмаслиги, шунингдек автоматлаштирилган ҳисобга олиш ўлчов воситаларини солиқ органларининг ахборот тизимлари билан интеграция қилинишини таъминлаш лозимлиги.

2. Мазкур қарорнинг бажарилишини назорат қилиш Ўзбекистон Республикаси Бош вазирининг молия-иқтисодиёт ва камбағалликни қисқартириш масалалари бўйича ўринбосари – иқтисодий тараққиёт ва камбағалликни қисқартириш вазири Ж.А. Қўчқоров ва Ўзбекистон Республикаси Давлат солиқ қўмитаси раиси Ш.Д. Кудбиев зиммасига юклансин.

Ўзбекистон Республикасининг

Бош вазири

А.Арипов

Вазирлар Маҳкамасининг

2022 йил “ ___ ” _____ -сон

қарорига

ИЛОВА

Ўзбекистон Республикаси Ҳукуматининг айрим қарорларига киритилаётган ўзгартириш ва қўшимчалар

1. Вазирлар Маҳкамасининг 2021 йил 22 сентябрдаги 595-сон қарори билан тасдиқланган Қўшилган қиймат солиғи тўловчиларини солиқ органларида қўшилган қиймат солиғи бўйича махсус рўйхатдан ўтказиш тартиби тўғрисидаги низомда:

қуйидаги мазмундаги ўн тўртинчи ва ўн бешинчи хатбошилар билан тўлдирилсин:

“нефть, газни (шу жумладан, сиқилган табиий ва суюлтирилган углеводород газини) ва газ конденсатини қазиб олиш, қайта ишлаш ҳамда реализация қилиш фаолияти учун берилган лицензия талаблари бузилганда;

истеъмол ва техник этил спирти, алкоголь маҳсулотлари ишлаб чиқариш учун лицензия талаблари бузилганда;”;

ўн тўртинчи ва ўн бешинчи хатбошилар тегишинча ўн олтинчи ва ўн еттинчи хатбошилар деб ҳисоблансин;

2. Вазирлар Маҳкамасининг 2022 йил 21 февралдаги 80-сон қарори билан тасдиқланган Махсус электрон тизим орқали айрим фаолият турларини лицензиялаш тартиби тўғрисидаги ягона низомга 25-иловасининг 9 бандида:

“б” кичик банди қуйидаги мазмундаги иккинчи хатбошиси билан тўлдирилсин:

“Бунда, 1 та ходим бирданига 2 та лавозимда ишлаши мумкин эмас.”;

қуйидаги мазмундаги “л” кичик банди билан тўлдирилсин:

“л) автоматлаштирилган ҳисобга олиш ўлчов воситаларини солиқ органларининг ахборот тизимлари билан интеграция қилинишини таъминлаш.”.